



震澤編卷第六

震澤編卷第六

西洞庭 蔡昇景東 輯

東洞庭 王鏊濟之 修

山

送劉山人歸洞庭

唐李頻

去意無人命，惟應道是從。
半湖乘早月中路，入竦鐘
秋盡戶蛩急，夜深山雨重。
當時將隱者，分得幾株松。

洞庭南館

一逕逗霜林，朱闌透碧岑。
地盤林屋口，山鎮洞庭心。

樹白看烟起沙明見日沉還因此悲屈惆悵又行吟
送僧歸洞庭 顧非熊

江山萬萬里歸去指西峰未入連雲寺先齋越浪鐘
風香迴棧橘秋色出庵松若教吳人病須降震澤龍
送張尊師歸洞庭 許渾

能琴道士洞庭西風滿歸帆路不迷對岸水花霜後
淺傍簷山果雨來低松杉近晚移茶竈巖谷初寒蓋
藥畦他日相思兩行字無人知是武陵溪

縹緲峰

皮日休

頭戴華陽帽手拄大夏筇清晨陪道侶來上縹緲峰
帶露嗅藥蔓和雲尋鹿蹤時驚鼯鼯鼯飛上千丈松
翠碧內有室叩之虛磻陰古穴下徹海視之寒鴻濛
遇歇有佳思緣危無倦容須臾到絕頂似鳥穿樊籠
恐足蹈海日疑身凌天風衆岫點巨浸四方接圓穹
似將青螺髻撒在明月中片白作越分孤嵐為吳宮
一陣靉靄氣隱隱生湖東激雷與波起狂電將日紅
磬磬雨點大金鶻轟下空暴光隔雲閃鬢鬚亘天龍
連拳百丈尾下枝湖之洪捧為一雲山欲與昭回通

移時却擡下細碎衡與嵩神物諒不測絕景尤難窮
杖策下反照漸聞仙觀鐘煙波瀆肌骨雲壑闐心骨
竟死愛未足當生且歡逢不然把天爵自拜太湖公

又

陸龜蒙

左右皆跳岑孤峰挺然起因思縹緲稱乃在虛無裏
清晨躋蹬道便是孱顏始據石即更歌遇泉還徙倚
花奇忽如薦樹曲潭成几樂靜煙靄知忘機猿狖喜
頻攀峻過斗末造平如砥舉首閱青冥迴眸聊下眎
高帆大於鳥廣墀徒纒類蟻就此微茫中爭先未嘗

已葛洪話剛氣去地四千里苟能乘之遊止若道路
耳吾將自峰頂便可朝帝宸盡欲活群生不惟私一
已超騎明月幹復弄華星藥却下蓬萊顛重窺清淺
水身為大塊客自號天隨子他日向華陽敲雲問名
氏

又

范成大

滿載清閒一棹孤長風相送入僊都莫愁懷抱無消
豁縹緲峰頭望太湖

卷下

皮日休

菴裏何幽竒膏腴三十頃風吹稻花香直過黿山頂
青苗細膩卧白羽悠溶靜塍畔起鷓鴣田中通舴舻
幾家傍潭洞孤戍當林嶺罷釣時萸茱停縹或焙茗
峭然八十老生計於此永苦力供征賦怡情過朝暝
洞庭取異事包山極幽景念爾飽得知亦是遺民幸

又

陸龜蒙

山橫路若斜轉櫂逢平川川中水木幽高下兼良田
溝塍墮微溜桑柘含疎煙處處倚蚕箔家家下魚釜
駉犢卧新篔野禽爭折蓮試招搔首翁共語殘陽邊

今來九州內未得皆恬然賊陣始古語狂波又凶年
吾翁歆何道守此常安眠笑我掉頭去蘆中聞刺船
予知隱地術可以齊真僊終當從之遊庶復全於天

桃花塢

皮日休

黃緣度南嶺盡日穿林樾窮深到茲塢逸興轉超忽
塢名雖然在不見桃花發恐是武陵溪自閉僊日月
倚峰小精舍當嶺殘耕塋將洞任迴環把雲恣披拂
閑禽啼叫窳陰穴眠砭斫微風吹重嵐碧垓輕勃勃
清陰滅鶴睡秀色浴人渴敲竹闌錚撥弄泉爭咽咽

空齋蒸栢葉野飯調石髮空羨塢中人終身無履屨

又

陸龜蒙

行行問絕境貴與名相親空經桃花塢不見秦時人
願此為東風吹起枝上春願此作流水潛浮藥中塵
願此為好鳥得棲花際鄰願此作幽蝶得隨花下賓
朝為照花日暮作涵花津試為探花士出作偷桃臣
桃源不戒棄庶可全天真

林屋洞

皮日休

齋心已三日筋骨如烟輕腰下佩金獸手中持火鈴

幽塘四百里中有日月精連亘三十六各各為玉京
自非心至誠必被神物烹惟余慕大道不能惜微生
遂招放曠侶同作幽憂行其門繞函丈初若盤薄矧
洞氣黑眈眈苔髮紅鬢鬢試足值坎窞低頭避崢嶸
攀緣不知倦怪異焉敢驚匍匐一百步稍稍策可橫
忽然白蝙蝠來撲松炬明人語散瀕洞石響高玲玎
脚底龍蛇氣頭上波浪聲有時若服匿偏仄如見繡
俄爾造平淡豁然逢光晶金堂似鑄出玉座如琢成
前有方丈沼凝碧融入清雲漿湛不動瑤露涵而馨

漱之恐減筭勺之必延齡愁為三官責不敢携一甌
昔云夏后氏於此藏真經刻之以紫琳秘之以丹瓊
期之以萬祀守之以百靈焉得彼丈人竊之不加刑
石簣一以出左神俄不扁禹書既云得吳國由是傾
蘇縫纜半尺中有怪物腥欲去既嘍暗將迴又伶俜
却導舊時道半日出杳冥屨泥惹石髓衣濕沾雲英
玄錄之僊骨青文無絳名雖然入陰宮不得朝上清
對彼神僊窟自厭濁俗形却憎造物者遣我騎文星

又

陸龜蒙

知名十小天林屋當第九題之為左神理之以天后
魁惟辟邪輩左右專備守自非方瞳人不敢窺洞口
惟若好奇士復嘯忘情友致傘在風林低冠入雲竇
中深劇苔井傍坎纔藥臼石角忽支頤藤根時束肘
初為大幽怖漸見微明誘屹若造靈封森如達仙藪
嘗聞白芝秀狀與琅花偶又坐紫泉光甘如酌天酒
何人能挹嚙餌以代漿糗却笑探五符徒勞步雙斗
真君不可見焚盥空遲久眷戀玉碣文行行但迴首

又

宋陳都官

洞天三十六第九曰林屋神僊固難名瓌怪存記錄
曠歲懷尋賞茲辰幸臨矚馳神在真游豈復懦溪谷
解襪納芒屨燃松命光燭初行已偃倭漸入但匍匐
顧瞻避衝磕渟淖沒手足如此百餘步始可立寓目
或垂若鐘虞或植若旌纛有如案而平有如几而曲
鐫刻非人工晶瑩燦黃玉遙知竅穴外定有金庭錄
凡肥不可往叩擊安敢黷鸞鳳無消息但見白蝙蝠
却還望微明既出猶喘促沾衣憐石髓孰悔泥塗辱
庶幾達微慕養生相吾福

又

范成大

擊水搏風浪雪翻煙消日出見僊村舊知浮玉北堂
路今到幽墟三洞門石燕翔飛遮炬火金龍深阻護
嵌根寶鐘靈鼓何須扣庭柱宵晨已默存

又

張雨

山中春水泛蛟骨長於樹拏舟探穴口甚深不可渡
窮冬桃始華爛照珠光處

毛公壇

皮日休

却上南山路松竹儼如廡松根礙幽逕孱顏不能斧

擲履跨亂雲側巾躄怪樹三休且半日始到毛公塢
兩水合一礮滾涯却為浦相敵百千戟共擱十萬鼓
噴散日月精射破神僊府惟愁絕地脉又恐折天柱
一窺耳目眩再聽毛髮墜次到煉丹井井幹翳宿莽
下有藥剗丹勺之百疾愈凝於白獺髓湛似桐馬乳
黃露醒齒牙碧黏甘肺腑檜異松渡怪枯踈互撐柱
乾蛟一百丈腕然半天舞下有毛公壇壇方不盈畝
當時雲龍篆一片苔蘚古時時僊禽來忽忽祥煙聚
我愛周息元忽起應明主三諫却歸來迴頭唾珪組

伊余何不幸斯人不復覩如何大開口與世爭枯腐
將山待夸娥以肉投猱猢歛坐侵桂陰不知已與午
茲地足靈境他年終結宇敢道萬石君輕於一絲縷

又

陸龜蒙

古有韓終道授之劉先生身如碧鳳凰羽翼披輕輕
先生盛驅役臣伏甲與丁勢可倒五嶽不唯鞭群靈
飄飄駕翔螭白日朝太清空遺古壇在稠疊煙蘿屏
遠懷步罡夕列宿森然明四角鎮靈獸三層差羽嬰
迴眸眇七炁運足馳踈星象外真既感區中道俄成

通來向千祀雲嶠空崢嶸石上橘花落石根瑤草青
時時白鹿下此外無人行我訪岑寂境自言齋戒精
如今君安死魂魄猶羶腥有笈皆綠字有芝皆紫莖
相將望瀛島浩蕩凌滄溟

又

陳都官

古壇疊亂石草木何參差黃衣守其傍陳蹟刊豐碑
曰初劉真人齒髮不可訾但見紺綠毛被體鬢鬢垂
雲輅一日去空山留庭墻弟子散巖谷荆榛蔽荒基
晚有周息元探訪親斬披白鹿忽跪前靈符見歲蕤

地勝人既偶凝巖起宮祠束帛下幽聘良馬維素綵
前朝揖高風有美皮陸詩殆今三百年事去物亦隳
喬松委樵蘇野蔓號狐狸惟有鍊丹井甘冽無等夷
一酌匪消渴欽慕尚神禧

又

范成大

松蘿滴翠白晝陰七十二峯中最深綠毛仙翁已僊
去惟有石壇留竹塢竹陰掃壇石槎牙漢時風雨生
蘚花山中笙鶴尚遺響湖外人煙驚歲華道人眸子
照秋色邀我分山築丹室驅丁役甲莫見嬉渴飲隱

泉饑餌木

又

方壇蔭竒竹儼彼毛骨秀想見黃翁公時來濯水溜
一往不可得尚問何日又

張雨

又

欲觀漢壇符東上縹緲峰葛花墜寒露夕飲清心胸
月出太湖水鶴鳴空澗松真境久寂寥蒼苔闕靈踪
嘗聞綠毛叟變化猶神龍世人豈得見偶許樵夫逢
攀險力易疲援玄志難從歸出白雲外空聞僊觀鐘

高啟

綺里

前人

高皇本壯士提劍定四方晚為兒女情悲歌起彷徨
愛子欲建儲寵姬方侍側顧驕四老人謂已成羽翼
大臣豈不諫孰能幹天機彼翁何為者足見人心歸
始潛避秦君終出安漢嗣世羅馬能羈舒卷聊自肆
我來舟里村如入商顏山紫芝日已老鴻鵠何時還
斯人神僊徒千載形不滅猶想蒼苔中白頭卧松雪

明月灣

皮日休

曉景澹無際孤舟恣迴環試問最幽處號為明月灣

半巖翡翠巢望見不可攀柳弱下絲網藤深垂花鬢
松瘦忽似狢石文或如虢釣壇兩三處苔老腥編斑
沙雨幾處霽水禽相向閒野人波濤上白屋幽深間
曉培橘栽出暮作漁梁還清泉出石砌好樹臨柴關
對此老且死不知憂與患好境無住處好處無境刪
赧然不自適脉々當湖山

又

陸龜蒙

昔開明月觀在建業故臺城祗傷荒墅基今逢明月灣不值
三五時擇此二明月洞庭看最奇連山忽中斷遠樹

分毫釐周迴二十里一片澄風漪見說秋半夜淨無
雲物欺兼之星斗巖獨有神僊期初聞鏘鏘鈿積漸
調參差空中卓羽衛波上停龍螭縱舞玉煙節高歌
碧霜詞清光悄不動萬象寒咿咿此會非俗致無由
得旁窺但當乘扁舟酒瓮仍相隨或徹三弄笛或成
數聯詩自然瑩心骨何用神僊為

又

高啟

木葉秋乍脫霜鴻夜猶飛扁舟弄明月遠度青山磯
明月處處有此處月偏好天濶星漢低波寒菱荷老

舟去月始出舟迴月將沉莫照種種髮但照耿耿心
把酒酹水僊容我宿湖裏醉後失清輝西巖曉猿起

又

周南老

秋高木葉下涼月照湖曲陰精躍浮金冰壺炯寒玉
露澄彩奪鮮波涵光可掬蘭舟棹空明良宵氣清肅
萬象森寒芒川澤盱駭矚把笛不敢吹湫龍豈容觸

又

謝晉

湛虛一灣秋冷浸萬古色風定水自磨煙銷鑑當拭
澄光共涵映清氣交侵逼誰將廣寒宮移入水精域

眷言永皎皎毋使雲霾黑

銷夏灣

皮日休

太湖有曲處其間為西涯當中數十頃別如一天池
號為銷夏灣此名無所私赤日莫斜照清風多遙吹
沙嶼掃粉墨松竹調塤篴山果紅鞞鞞水苔清鬢鬢
木陰厚若瓦巖磴滑如飴我來此遊息夏景方赫曦
一坐磐石上肅肅寒生肌小艇或可泛短策或可支
行驚翠羽起坐見白蓮披歛袖弄輕浪解巾敵涼颼
但有水雲見更餘沙禽知京洛往來客喝死緣奔馳

此中便可老焉用名利為

又

陸龜蒙

霞島焰難泊雲峰竒未收蕭條十里灣獨自清如秋
古岸過新雨高蘿蔭橫流遙風吹蒹葭折處鳴颼颼
昔予守圭竇過於回祿因目為篋笛渠曲二音從分
篋之異名從分
作祗禍讐低刀二音願狎寒水怪不封朱轂侯豈知煙浪
涯坐可思重裘健若數尺鯉從然雙白鷗不識號火
井孰問名焦丘我本魚鳥家畫室營扁舟遺名復避
世消夏還消憂

又

范成大

蓼磯楓渚故離宮一曲清漣九里風縱有暑光無着
處青山環水水浮空

又

高啟

涼生白苧水雲空湖上曾開避暑宮清簟踈簾人去
後漁舟占盡柳陰風

練瀆

皮日休

吳王歛得國所玩終不足一上姑蘇臺猶自嫌局促
餘艖六宮闢豚衝後軍肅一陣水麝風空中蕩平淥

烏困避錦帆龍吟防鐵軸流蘇惹煙浪羽葆飄巖谷
靈境太蹂踐因茲塞林屋空濶嫌太湖崎嶇開練瀆
三尋鬻石齒數里穿山腹底靜似金膏礫碎如丹粟
波殿鄭妲醉蟾閣西施宿幾轉含煙舟一唱來雲曲
不知闌楯上夜有越人鏃君王揜面死嬪御不敢哭
艷魄逐波濤荒宮養麋鹿國破瀆亦淺代變草空綠
白鳥都不知朝眠暮還浴

又

陸龜蒙

越恃君子衆大將壓全吳吳將派天澤以練舟師徒

一境止千里支流忽然迂蒼奩束洪波坐似馮夷軀
戰艦百萬輩浮宮三千餘平川盛丁寧絕島分儲胥
鳳押半鶴膝錦扛雜肥胡香煙與殺氣浩浩隨風駟
彈射盡高鳥杯觥醉潛魚山靈恐見鞭水府愁為墟
兵利德日削反為讐國屠至今鈎鏃殘尚與泥沙俱
照此月倍苦來茲煙亦孤丁魂尚有淚合灑青楓枯

又

高啟

吳越水為國行師利舟戰夫差開此河餘艘試親練
十萬凌潮兒材比傾飛捷鼓棹激風濤揚舠逐雷電

當時意氣盛謂已無勾踐鷗避去沙洲龍愁閉淵殿
恃強非伯圖倏忽市朝變臺上失嬌姿泉間揜慚面
至今西山月恨浸秋一片猶有細魚人時時得沉箭

投龍潭

皮日休

龜山下最深惡氣何洋溢涎木爆龍巢腥氣捲蛟室
曉來林岑靜惺色如怒日氣涌撲炙煤波澄掃純漆
下有水君府貝闕光比櫛左右列介臣縱橫守鱗卒
月中珠母見烟際楓人出生犀不敢燒水怪恐摧碎
時有慕道者作彼投龍術端嚴持碧簡齋戒揮紫筆
兼以金蜿蜒投之光燦律琴高坐赤鯉何許縱僊逸
我願與之遊茲焉托靈質

又

陸龜蒙

名山潭洞中自古多秘邃君將接神物聊用伸祝事
鎔金象牙角尺木無不備亦既奉真官因之徇前志
持來展明誥敬以投嘉瑞鱗光煥水容日色曉山翠
吾皇病秦漢豈獨探怪異所貴風雨時民皆受其賜
良田為巨浸污澤成赤地掌職一不行精靈又何寄
惟貪血食飽但據驪珠睡何必費黃金年年授星使

遊洞庭

宋 仲友

寒色滿空山，倏然一逕閒。
鳥啼黃葉外，人度翠峰間。
古殿藏雲氣，唐碑帶蘚斑。
未窮幽絕處，興盡忽思還。

過洞庭

元唐 珙

西風吹老洞庭波，一夜湘君白髮多。
醉後不知天在水，滿船清夢壓星河。

洞庭曲十首

其一

金 信

奇峯七十二，蕙蓄青蓮開。
遙看出雲雨，不似楚陽臺。

其二

海客走相報，龍王嫁女來。
雷車挾風雨，高浪白成堆。

其三

波濤三萬頃，倒浸中天月。
蛟精戲神珠，開扇白銀闕。

其四

洞庭西去浪出沒，有雙雷遙看青兩兩。
不識具雲堆。

其五

浩蕩太湖水，東西兩洞庭。
吹簫明月裏，龍女坐來聽。

其六

毛父來刺船，遂入林屋洞。
洞戶夜不扃，風雷自相哄。

其七

雌風吹雨脚龍腥湖上聞小姑彭蠡至來謁洞庭君
其八

日落洞庭波青天風雨作車龍掛修尾有似青旗脚
其九

湖上望蘇臺水與青天遠長風送飛帆忽到長洲苑
其十

有客浮槎去槎頭掛客星仍將莫耶笛吹與老蛟聽
望洞庭
楊維禎

璿田三萬六千頃七十二朶青蓮開道人鍊精持在
手嘯引紫鳳朝蓬萊龍子卧抱明月胎須臾化作桃
花腮嗟爾雲槎子何處忽飛來蓬萊之淺今幾尺黃
河之清今幾迴雲槎子云是江上來但知東方生賣
藥五湖上不知張使者北犯北斗魁雲槎子吾與爾
何哉任公釣竿在東海潮壓桐江江上臺

洞庭曲十首 其一

前人

日落洞庭波吳娃蕩槳過道人吹錢笛風浪夜來多
其二

道人鐵笛響半入洞庭山天風將一半吹渡白銀灣
其三

僊橘大如斗浮之過洞庭江神渾未識喚作楚王萍
其四

海客報奇事青天火甕飛明朝雷澤底新有落星磯
其五

網得珊瑚樹移栽瑪瑙盆夜來風雨橫龍氣上珠根
其六

海上雙雷島渾如灑灑瀕堆車龍拔山脚飛渡海門來

其七

潮來神樹沒潮去神樹青雲裏天妃過龍旂帶雨腥

其八

客入毛公洞洞深人不還明朝探禹穴相見會稽山

其九

太液象圓海金蓮夜夜開水中萬年月照見昆明灰

其十

秦峰望東海雲氣常飄飄桑田明日事奚用石為橋

洞庭山

周南老

兩峯東西峙對屹具區澤波搖巒嶂浮雲開蒼翠積
地古山有靈蛇虎絕縱跡林屋窈而深中有真僊宅
威靈探禹符窮幽振金策信有不死方奚為異今昔
西風飛錫度如舟來向湖間作勝遊七十二峰青一
色君看何處獨堪留

送人之洞庭

國朝姚廣孝

洞庭謠

前人

東洞庭西洞庭兩山突兀摩空青七十二峰在其下
氣勢直與秋旻清太湖三萬六千頃芙蓉秀出雙亭

亭湖底潛開林屋洞羅浮向曲通僊靈嵐光雲氣互
出沒揮灑八極風泠泠晦冥變化不可測波濤洶湧
如山傾鮫人停織百怪屏滿耳評泮千雷鳴魚龍騰
躍鬼物泣帆檣摧倒舟人驚斯頃陽動忽開霽波平
湛湛瑠璃明林巒無處不蒼翠島嶼日照花冥冥斯
山景物豈止此千態萬狀插難成中有空王宅亦有
僊人窟囂塵不可到勝概如蓬瀛神僧迴還看杯渡
帝子下降停雲輶我昔畏陰曾弗過兩山每對空傷
情我歌洞庭謠請子為我聽何由乘槎尋子去翠峰

深處藏餘生

洞庭毓秀歌

吳信

洞庭之山秀而靈東西屹立如畫屏試歌洞庭毓秀
歌請君側耳為我聽太初元氣合胚凝上天好奇遣
六丁鑿開混沌見兩青鎮以白玉之柱黃金庭副之
七十二峰碧峻嶒太湖一水清迴縈佳氣四時互鬱
蒸儼如蓬萊三島浮滄溟帝禹之功何有能真是天
造地設成縹緲鬱嵯峨莫釐聳崢嶸勢如虎豹形若
娥眉橫日月互吞吐煙霞發晶熒草木葱菁紫翠層

靈迹勝境難具稱攢雲嶺上雲英芙蓉山下花冥
冥明月灣頭夜深明月明錦鳩峰頂春暖錦鳩鳴王
母西來駐雲輶吳王銷夏醉夢醒樂天遨遊為揚舲
子美水月鐫碑銘藥墩煉藥有蔡經僊壇仙人綠毛
生東園綺里芝草茁紫莖雪竇古井涵清泠翠峰浮
來神鐘吼華鯨峰圻海眼瑩碧開兩睛林屋龍洞水
氣腥中有石鉦石鼓扣之聲鏗鏗靈威丈人昔曾行
神景觀中古檜如龍形上有百尺兔絲下有千年苓
道人斲苓食之白日能飛昇古來遺跡信可徵總是

樂遊耽遁漁樵盟未有政如房杜文如班馬之輩出
此垂芳名

聖朝文化四海咸賓興國初伯昂山長殊有聲年來
吳分當奎星山祗水后合獻禎多士濟濟皆登瀛東
麓使君衣錦榮恢弘王綱闡

帝紘少年狀元何寧馨文魁名振白玉京蔡子干將
出豐城藻思如刃新發硎後進雖未加冠纓文物禮
樂能相承史君精神玉壺冰龍駒已膺月旦評王郎
氣象百倍增風雲際會皆可乘偉哉洞庭鍾得天地

精千年孕育今大亨虎丘蜃縮獅山驚氣勢直壓華
與恒請君為我繼此頌太平

登東洞庭望西山

吳寬

東山絕頂望西山縱目遙過銷夏灣未遂真遊勞指
點聊憑高興去躋攀石壇相距只十里林屋都來有
萬間報與山靈須少待會將親手扣僊關

東西二獄

宋楊備

雷霆號令雪霜威二獄東西鎖翠微髣髴鄴都叢棘
地巖扉應是古園扉

思夫山

高啟

江上曾看望夫石湖中今見憶夫山
夫君好采山中藥獨得長生竟不還
不似蕭郎與秦女乘鸞同去彩雲間

琴山 八首

蔡昇

誰將太古琴橫向洞庭陰山泉泠泠響彷彿絲桐音

白浮山

水面有浮山色白勢突兀浮焉胡不流
非浮胡不沒

五浮山

有客報我五星流墮向太湖為石頭下有巨鰲負之
浮羅列水面如僊洲不識其語誠然否誠然亦逾萬
萬秋我欲泛彼木蘭舟五處巖壑皆尋幽只恐上帝
不肯留故遣夸娥二子收收去人間何所授五嶽各
與添一丘山靈知此先當愁

烏蟬

烏蟬在湖水水流蟬不移圓月出山頂疑是吐珠時

綠石山

南山層層石非紫亦非白寒暑亘千古長是莓苔色

芙蓉峯

一朵金芙蓉雲根在土久伊誰能折之擘山巨靈手

玄龜山

山根有玄龜曳尾將若行夜雨長石髮彷彿綠毛生

西湖灣

湖水清湖堤平薰風芰荷氣急雨菰蒲聲灣中漁人
夜吹笛宿鴈飛起眠鷗驚

射鶚山

吳敏

東山空濶原野平吳王養鷄築高城秋天饑鷄未飽

食側翅下攫殊無情守城武士心孔惡旦夕窺茲捕
鷄鶚雕弓一展羽箭發鶚也時從半空落山人學射
藝漸精遂使山無鶚鳥鳴却思句踐侵吳日何不令
之射越兵

大小竹山

前人

竹遶山山映竹山色長青竹長綠大小兩山何處同
瀟湘岸頭淇水澳昨朝山上清風生翠稍搖動鳳凰
翎今日山前晴旭照綠陰滿地鷓鴣聲鷓鴣聲啼未
絕兩山雨濕琅玕節

登西湖小洞庭

吳鳴翰

春波飛雪打芳汀，扶醉來登小洞庭。
金闕芙蓉千疊嶂，玉壺天地一孤亭。
直須橫槊歌明月，更擬浮槎作使星。
不獨坡仙誇嶺海，茲遊還許冠平生。

題煉墩

前人

三江引去桃花水，露出波心小玉屏。
四面海天涵地白，一方煙莽破湖青。
登臨有客驚浮世，今古無詩咏落星。
若使湖州仍見此，便應添個看鷗亭。

石

李蘇州遺太湖石奇狀絕倫因題二十韻呈夢

得樂天

唐牛僧孺

胚渾何時結嵌空，此日成掀躡龍虎闔。
恢怪鬼神驚帶雨，新冰淨輕敲碎玉鳴。
撓義鋒又簇纓絡釣絲縈，近水搖奇冷依松。
助澹清通身鱗甲隱，透穴洞天明醜凸。
隆胡準深凹刻兕觥，雷風疑欲變陰黑。
訝將行噤瘳微寒早，輪囷數片橫地祇。
愁壑壓鰲足困支撐，珍重姑蘇守相怜。
懶慢情為探湖底物，不怕浪中鯨利涉餘千里。
山河僅百程，池堂初展見金玉。自風輕

側眩魂滋悚周觀意漸平似逢三益友如對十年兄
王興添魔力消煩破宿醒媿人當綺皓視秩即公卿
念此園林寶還須別識精詩僊有劉白為汝數逢迎
和題太湖石兼寄李蘇州詩二十韻

劉禹錫

震澤生奇石沉潛得地靈初辭水府出猶帶龍宮腥
發自江湖國來榮鄉相庭從風夏雲勢上漢古查形
拂拭魚鱗見鏗鏘玉韻聆煙波含宿潤苔蘚助新青
嵌穴胡鷄貌纖銍蟲篆銘孱顏傲林薄飛動向雷霆

煩勢近還散餘醒見便醒凡禽不敢息浮壻莫能停
靜稱垂松蓋鮮宜映鶴翎忘憂常目擊素尚與心冥
眇小欺湘燕團圓笑落星徒然想融結安可測年齡
採取詢鄉耆搜求按舊經垂鈎入空隙隔浪動晶荧
有獲人爭賀歡謠衆共聽一州驚閱寶千里遠揚舲
覩物洛陽爾懷人吳御亭寄言垂天翼早晚賦滄溟
牛相公宅太湖石詩二十韻

白居易

錯落復崔嵬蒼然玉一堆峰駢僊掌出鑿拆劔門開
峭頂高危矣蟠根下壯哉精神欺竹樹氣色壓亭臺

隱起磷磷狀凝成瑟瑟胚廉能露鋒刃清越叩瓊瑰
岌業形將動鬼裁勢欲摧竒應潛鬼怪靈合蓄風雷
黛潤沾新雨班明帶古苔未曾棲鳥雀不肯染塵埃
尖削琅玕筍溪剌瑪腦壘海神移碣石畫障簇天台
在此為尤物於人負逸才渡江千筏載入洛五丁推
出處雖無意升沉亦有媒拔提水府底置向相庭隈
對稱吟詩句看宜把酒杯終隨金碾用不學玉山頽
疏傅心偏愛園公眼屢迴共嗟無此分虛管太湖來

又

前人

遠望老嵯峨近觀怪嶽峯纔高八九尺勢若干萬尋
嵌空華陽洞重疊匡山岑邈矣僊掌迥呀然劍門深
形質貫今古氣色通晴陰未秋已瑟瑟欲雨先沉沉
天姿信為異時用非所任磨刀不如礪擣帛不如砧
何乃主人意重之如萬金豈伊造物者能獨知我心
又 前人

煙翠三秋色波濤萬古痕削成青玉片截斷碧雲根
風氣通巖穴苔文護洞門三峰具體小應是華山孫
楊六尚書留太湖石在洛下借置庭中因對舉

杯寄贈絕句

前人

借君片石意何如
置向庭中慰索居
每就玉山傾一酌
興來如對醉尚書

太湖石

皮日休

茲山有石岸抵浪如受屠
雪陣千萬戰
蘚巖高下剝
乃是天詭怪
信非人功夫
六丁云下取
難甚網珊瑚
厥狀復若何
鬼工不可圖
或拳若虺蜴
或蹲如虎貙
連絡若鈎鑊
重疊如萼跗
或若巨人髀
或如天帝符
降肛簪管筍
格磔琅玕株
斷處露海眼
移來和沙鬚

求之煩耄倪
載之勞舳舻
通侯一以眇
貴却驪龍珠
厚賜以睨賚
遠云窮京都
五侯山下要
爾添岳齒
賞玩若稱意
爵祿行斯須
苟有王佐士
崛起於太湖
試問欲西笑
得如茲石無

又

陸龜蒙

他山豈無石
厥狀皆可薦
端然遇良工
坐使天質變
或裁基棟宇
礪砢成廣殿
或剖出溫瑜
精光具華瑱
或將破仇敵
百礮資苦戰
或用鏡功名
萬古如會面
今之洞庭者
一以非此選
槎牙真不材
反作天下彥

所奇者嵌空所尚者葱蘢旁穿參洞穴內窾均環劍
刻削九琳窗玲瓏五明扇新瑤碧霞段旋剖秋天片
無力置池塘臨風三流眇

石板詩

皮日休

翠石數百步如板漂不流空疑水妃意浮出青玉洲
中若瑩龍劍外惟疊蛇矛狂波忽然死浩氣清且浮
似將翠黛色抹破太湖秋安得三五夕携酒棹扁舟
召取月夫人嘯歌於上頭又恐霄景濶虛皇拜仙侯
欲建九錫碑立當十二樓瓊文忽然下石板誰能留

此事少知者惟應波上鷗

又

陸龜蒙

一片倒山屏何時隳洞門屹然空濶中萬古波濤痕
我意上帝命持來壓泉源恐為庚辰宮囚怪力所掀
又疑廣袤次零落潛驚奔不然遭霹靂強半沉無根
如何造化手便截秋雲根往事不足問奇跡安可論
吾今病煩暑據筆常昏昏欲從石公乞瑩理平如瑞
前後植佳檜東西置琴樽盡携天壤徒浩唱羲皇言

又

吳融

洞庭山下湖波碧波中萬古生幽石鐵索千尋取得
來奇形怪狀誰能識初疑朝家正人立又如戰士方
狙擊又如防風死後骨又如於菟活時額又如成人
楓又如害癭栢雨過上淳泓風來中有隙想得沉潛
水府時興雲出雨盤蛟螭今來砩砩林庭上長恐忽
然成白浪用時應不稱媧皇將去也堪隨博望噫嘻
爾后好憑依幸有方池并釣磯小山叢桂且為伴鍾
阜白雲長自歸何必豪家甲第裏玉闌干畔爭光輝
一朝荆棘忽流落何異綺羅雲雨飛

又

宋胡宿

海岱欽松妄得名洞庭山脚失寒瓊漱成一朶孤雲
勢費盡千年白浪聲誰向機邊逢織女直疑巖下見
初平年來賞物多成病日遠蒼苔幾遍行

又

高啟

没人采石山根淵投身下試饑蛟涎馮夷不解護潛
寶幾片捧出如青蓮寒姿本是湖水骨波濤漱擊應
千年初疑鬼怪離洞府珊瑚鐵網相鈎連嵌空突兀
多異態雲吐夏浦芝生田龍鱗含雨晚猶潤豹質隱

霧朝常鮮清音扣罷磬韻遠微靨洗出珠窩圓坐移
名岫置庭砌日照彷彿生紫煙三峯削成泰華掌一
穴透入仇池天醉中時到倚蒼蘚秋風冷逼吟詩肩
洛陽園墅汴宮苑當時駢列誇奇妍黃羅封蓋素纒
裹萬里貢餉勞車船奢游事歇家園廢盡仆荆棘荒
池邊人生嗜此亦可笑有身豈得如石堅百年零落
竟誰主空品甲乙煩題鐫又嗟此石何獻巧自召鑿
取虧天全不如頑礦世所棄滿山長作牛羊眠

泉

靈泉贊

宋孫覲

良哉大士溢此靈泉世有契悟一酌而痊方池何產
三級紅蓮無寶可味有根弗傳世紀大士浮海而來
携此二物寘之山隈青青之枝其灑此哉瓔瓔之衣
其製此哉惟此小湖寒補陀山我來稽首瞻仰尊顏
挹水啜之清入肺肝塵垢銷落身心蕩然嗟嗟此玉
奉事弗篤百尺額基數椽敗屋如泗僧伽習玩成瀆
對面却迷貴耳賤目惟聖憫狂存乎克念歸斯受之
匿瑕磨玷弗畀莫求弗施已厭信受之者亦得是瞻

汝心如泉泓然弗遷汝身如蓮離垢芳鮮大士可之
詎曰舍旃一彈指頃超證無邊

水月泉

李彌大

甌研水月先春焙鼎煮雲林無礙泉將謂蘇州能太
守老僧還解覓詩篇

黃公泉

張雨

黃公鍊藥處遺井茲丘上何年一泓碧瓌博照容狀
不意樵者歌猶聞紫芝唱

華山寺三泉

前人

寺以華山名一一靈泉瀉會昌舊文字毀壁存牖下
往劫蓮池開曷以信來者

謝吳東澗惠悟道泉

吳寬

試茶憶在十年前抱甕傾來味宛然踏雪故穿東澗
履迎風遙附太湖船題詩寥落懷諸友悟道分明見
老禪自媿無能為水記編將名品與人傳

奕姪以悟道泉煮茶風味甚勝夜飲之餘作詩
賞之

碧甕泉清初入夜銅爐火煖自生春具區舟楫來何

遠陽羨旗槍淪更新妙理勿傳醒酒客佳名誰與坐
禪人洛陽城裏多車馬却笑盧仝半飲塵

次韻

沈周

彭亨一器置堂前思此泠泠久缺然借取白雲朝幙
甕載兼明月夜同船小分東澗聊知味大吸江西亦
喻禪紗帽籠頭煙繞鬢煎茶有法是盧傳

震澤編卷第六 終

震澤編卷第七

西洞庭 蔡昇景東 輯
東洞庭 王鏊濟之 修

第宅

范蠡宅

高啟

功名不戀上將軍一舸歸游笠澤雲載去西施豈無
意恐留傾國更迷君

善慶堂

孫覲

居士歲修洞庭野新架虛堂殊瀟洒閑門開傍橘柚

林萬顆千枝映青赭逢迎自覺清眼衆來往應知白
丁寡

沈氏園亭

前人

包山美人構亭子巋然屹立深園裡窻近斷岩見怪
石壁臨絕澗聞流水亭中一架古人書知是群經及
諸史桐葉滴露下陰砌橘花隨風飄靜几美人素
猷世俗語有語利名須洗耳衡門反闕高枕眠紅日三
竿猶未起

得月亭

國朝李東陽

湖天空澗暮雲收長愛清光照白頭海上三山元不
夜人間萬木未知秋謫仙有酒如邀客庾亮無心復
上樓醉倚石欄幽夢醒尚餘清興在簾鉤

又

吳寬

夜寒湖上湧冰輪故着幽亭據要津滄海接來三萬
頃青天閱盡古今人重登高棧應忘險五宿澄波不
厭頻試放青光助佳境西河斫桂是前身

寺觀祠廟

題上方塔院

唐顧在鎔

震澤錄 卷一
蒼島孤生白浪中倚天高塔勢翻空烟凝遠岫列寒
翠霜染疎林墮碎紅汀沼或栖彭澤鴈樓臺深貯洞
庭風六時金磬落何處偏傍葦蘆驚釣翁

上方寺

范成大

艤棹古銷夏措筇新上方珠灣鎖圓折冰鏡沉空光
楓纈醉晴日橘黃明早霜閉門松竹逕隨處有清涼
又
橘林千黃金林盡路逾僻忽臨消夏灣雲海浩如積
綺季不可追空餘騏驥迹

張雨

包山寺

皮日休

松門亘五里彩翠高下絢幽人共躋攀勝事頗清便
霎霎林上雨隱隱湖中電薜帶輕束腰荷笠低遮面
濕履黏煙霧穿衣落霜霰笑次度巖壑困中遇臺殿
老僧三四人梵宇十數卷地稀無夏屋境僻乏朝膳
散髮抵泉流支頤數雲片坐石忽忘起捫蘿不知倦
異蝶時似錦幽禽或如鈿菓筭還憂又拚擱自搖扇
俗態既斗擻野情空眷戀道人摘芝菌為余備午饌
渴興石椀羹饑歷胡麻飯如何事於役茲遊急於傳

却將塵土衣一任瀑絲濺

又

陸龜蒙

包山信神僊主者上真職及棲鍾梵侶又是清涼域
乃知煙霞地絕俗無不得巖開一逕分栢擁深殿黑
僧閒若圖畫像古非雕刻海客施明珠湘蕤料淨食
有魚皆玉尾有鳥盡金臆手携鞞鐸佉若在中印國
千峰殘雨過萬籟清且極此時空寂心可以遺知識
知君戰求勝尚倚功名力却下聽經徒孤帆有行色

斜平聲鞞鐸佉
法唐言楊枝

又

范成大

僊塢遜半坐精廬遷古幢槁衲昔開山至今坐道場
熾然說慈忍禪海薰戒香穉竹暗寒碧飛松盤老蒼
船鼓入宴坐紅塵隔滄浪藤杖嬾歸去共倚蒲團牀

又

國朝徐震

屋下清泉屋上山薜蘿深處扣禪關尋僧欲問三生
話使我能偷半日閒鴈沒浦雲秋色外鶴歸庭樹夕
陽間人生為惜歡遊少石壁題詩記往還

過包山寺贈旭東明

杜瓊

東明八十守枯禪不出包山已十年聞道我來門口
坐兩人扶掖下山顛

孤園寺

皮日休

艇子小且兀緣湖蕩白芷縈紆泊一碕宛到孤園寺
蘿島凝清陰松門湛虛翠寒泉飛碧螭古木闢蒼兕
鍾梵在水魄樓臺入雲肆巖邊足鳴鑿樹抄多飛鷗
香莎滿院落風泛金霏靡靜鶴啄栢露閒獮弄楸
小殿薰陸香古經貝多紙老僧方瞑坐見客還強起
指茲正險絕何以來到此先言洞壑數次話真如理

磬韻醒閒心茶香凝皓齒巾之劫貝布饌以旃檀餌
數刻得清淨終身欲依止可憐陶侍讀身列丹臺位
雅號曰勝力亦聞師佛氏今日到孤園何妨稱弟子

又

陸龜蒙

浮屠從西來事者極梁武巖幽與水由結架無遺土
窮山材榦盡竭海珠璣聚况即侍從臣敢愛煙波塢
幡條玉龍和殿角金虬舞釋子猷樓臺生人露風雨
今來四百載像設歲雪浦輕鴿亂馴鷗鳴鐘和朝櫓
庭蕉裂旗旆野蔓差纓組后上解空人牕前聽經虎

林虛葉如織水淨沙堪數徧問得中天歸修釋迦譜
又 高 啟

欲問南朝常侍宅已為西域化人宮山僧歸帶漁舟
兩湖鳥來聞粥鼓風橘柚垂簷秋殿暗波濤驚座夜
堂空給孤長者誰曾見應在煙雲杳靄中

天王寺

前人

深寺隱桃華幽幽在山阻諸天藤蘿外昏黑路防虎
聞說春時遊辛夷花可數

水月寺

宋僧贊寧

參差峰岫畫雲昏入望交蘿濁浪奔震澤湧山來北
岸華陽連洞到東門日生樹掛紅霞脚風起波搖白
石根聞有上方僧住處橘花林下來蘭蓀

又

前人

積翠湖心逸遷長洞臺蕭寺兩交光鳥行黑點波濤
白楓葉紅蓮橘柚黃人我絕時隈樹石是非來處接
帆檣如何遂得追遊性擺却營營不急忙

又

湯思退

畫船橫絕湖波練更上雕鞍窮翠巘橘柚半垂黃征

衣盡日香鐘聲林外聽金界將松映何處是華山峯
巒杳靄間

西小湖寺

白居易

湖上山頭別有湖芰荷香氣占僊都夜涵星斗分乾
象晚映雲霓作畫圖風動白蘋天上浪鳥栖寒沼日
中鳥若非物外多靈跡爭得長年水不枯

華山寺詩并序

宋胡松年

余罷自平江謀居雲川過洞庭西山暫寓觀音院
德雲堂坐挹湖山勝槩數年兵火之禍何所不至

獨此地清涼安穩豈非林屋洞天金庭玉柱為神
僊窟宅有佛常護持邪余願掛冠終老此間也

小舟乘風飛鳥過萬頃雲濤縱掀簸此行要是快平
生無數青山笑迎我山根隱約見人家槿籬茅屋埋
煙霞宜似秦人種桃處川原遠近紛香葩杖藜徑踏
華山去試問蓮開今何許路迷絕壑蔭松筠身到半
山聽魚鼓道人為我開雲堂是中境界渾清涼幽磬
時和野鳥語飛泉暗瀉巖花香文書照眼本吾事鴈
鷺著行敗人意造物似憐厭世囂挈置湖山煩一洗

何人夜呼隱去來向來得喪真山崖金庭玉柱永不
改人間劫火空飛灰

又

葛勝仲

弱水無風到海山慈容親扎紫旃檀亭亭寶刹凌雲
近湛湛清光漱玉寒橘瘦晴飄紅萬顆竹迷曾蔣綠
千竿藕花不是南朝夢真有殘香透畫欄

又

范成大

五湖西岸孤絕處旃檀大士來同住性空真水遍清
涼隨緣出現無方所蒙泉新潔鑑泉明淪茗羨藜甘

似乳何須苦問蓮開未桂子菖花了今古三翁綵筆
照青霞從此它山都不數我今閒行作閒客暫借雲
窓解包具魂清骨冷不成眠徹曉跏趺聽粥鼓脚力
有餘西塢盡明日灣頭更鳴榔卻上東山喚德雲別
峰應在銀濤許

又

孫覲

千丈銀山屹嵩華浪湧雲屯天一罅榜舟夜並鼉鼉
窟杖藜曉入雞豚社處處人家橘柚垂竹簷茅屋青
黃亞牛羊出沒怪石走蛟龍起伏蒼藤掛樓殿青紅

隱半山兩腋清風策高駕饑鼠窺燈佛帳寒華鯨吼
粥僧跌下世味久諳真嚼蠟老境得閒如噉蔗山靈
知我欲歸耕一夜築垣應繞舍

訪翠峰寺和樂天韻

李彌大

山浮群玉碧空沉萬頃光涵幾許深梵刹樓臺嗟海
蜃洞天日月浴丹金秋林結綠留連賞春塢藏紅次
第吟擬汎一舟追范蠡從來世味不關心

題翠峰寺

范成大

來從第九天橋社繫歸船借問翠峰路誰參雪竇禪

應真庭下木說法井中泉公案新翻出諸方一任傳

寄翠峰寺敏仲謙

釋子賢

敏公遙住洞庭西咫尺煙波路欲迷落日斷霞山疊
疊揚舲鼓柁風淒淒魚龍出沒隨潮上橋袖參差壓
樹低東崦人家更清絕也思來此作幽栖

入翠峰寺

吳寬

步轉危峰路豁然梅花叢裏見青天春泥不涴登山
屐又過長松啜冷泉

題翠峰寺

吳鳴翰

野服乘春到梵宮上方佳境似崆峒
藤蘿翠掃千峰雪簷蔔香傳一殿
風閒聽磬聲知定起靜依潭影覺
情空清時未許投簪紱此意還應問遠公

靈源寺

葉顥

散花文室靜焚香小小雲龕穩勝狀
須信定中還有定莫言方外更無方
青蓮滿眼非真色白月流金只
慧光今日相逢陪軟語塵緣俗慮一時忘

又

前人

碧螺峰下靈源寺草木無多屋半荒
一自先生憮居

此山雲山霧盡文章

興福寺小憩

吳寬

九塢寒泉一澗流遙從木末見山頭
春風未掃禪林雪更為梅花半日留

題祥符寺三首 其一

聶大年

湖上得幽寺四邊皆亂峯二三千畝稻
六百萬株松
吮食來山鳥談經起鉢龍知師燕坐處
深省更聞鐘
其二

具區千頃淨澄澄路入招提最上層
湖上近聞新創

寺山中應是再來僧
四簷花雨紛如雪
萬壑松風冷似冰
莫惜茶灰留信宿
鐵檠相伴讀傳燈

其三

彷彿南屏十里松
經過還識舊行踪
湖光浴日金千頃
山色凝煙翠萬重
猿下飲泉還獻菓
僧來乞食自鳴鐘
山花也認曾遊客
背倚寒巖笑病容

上真宮

皮日休

徑盤在山脚
繚繞窮雲端
檣菌杖頭紫
綠崖屐齒剉
半日到上真
洞宮知造難
雙戶啟真景
齊心方可觀

天鈞鳴響亮
天祿行踰跚
琪樹夾一徑
萬條青琅玕
兩松峙底際
怪狀吁可嘆
大螭騰共結
修蛇飛相盤
皮膚圻甲冑
枝節擒猖獗
處似天裂朽
中如井甬
灑袈風聲疾
叱訶地力疲
根上露鉗鈇
空中狂波瀾
合時若蒼莽
濶處如輾轅
儼對無霸陣
靜聞嚴陵灘
靈飛一以護
山都焉敢干
兩廊潔寂歷
中殿高噴坑
靜架九色節
閒懸十絕幡
微風時一吹
百寶清闌珊
昔有葉道士
位當昇靈官
欲箋紫微志
惟食紅景丹
既逐隱龍去
道風猶此殘
猶聞絳目草
往往生空壇

羽客兩三人石上譚泥丸謂我或龍胃粲然與之歡
衣中紫華冷食次白芝寒自覺有真氣恐隨風力搏
明朝若更住必擬隳儒冠

又

陸龜蒙

嘗聞昇三清真有上中下官居乘佩服一一自相亞
霄裙或霞粲侍女忽玉妃坐進金碧腴去馳飈歛駕
今來上真觀恍若心靈訝祇恐暫神遊又疑新羽化
風餘撼朱草雲破生瑤榭望極覺波平行虛信煙藉
閒開飛龜帙靜倚宿鳳架俗狀既能遺塵冠聊以却

人間方大火此境無朱夏松蓋蔭日車泉紳施天罅
窮幽不知倦復息芝園舍鏘佩引涼姿焚香禮遙夜
無情走聲利有志依閒暇何處好迎僧希將后樓借

靈祐觀

皮日休

夜半幽夢中偏舟似鳧躍曉來到何許俄倚包山脚
三百六十丈攢空利如削遐瞻但徙倚欲上先矍鑠
濃露濕莎裳淺泉漸草屨行行未一里節境轉寂寞
靜逕侵沉寥仙扉傍巖崿松聲正清絕海日方照灼
歛臨幽虛天萬想皆擺落壇靈有芝菌殿聖無鳥雀

瓊幃自迴旋錦旌空粲錯鼎氣為龍虎香煙混丹履
凝看出嶺雲默聽語時鶴綠書不可注雲笈應無鑰
晴來鳥思嘉崦裏花光弱天籟如擊琴泉聲似撻鐸
清齋洞前院敢負玄科約空中悉羽章池上皆靈藥
金醴可酣暢玉致堪咀嚼存心服鷲胎叩齒讀龍躡
福地七十二茲焉堪永託在獸之虎軀於蟲不毒蠹
嘗聞擇葶錄仙誌非可作綠腸既朱髓青肝復紫絡
伊余之此相天與形貌惡每嗟原憲瘞常苦齊侯瘡
終然合委頓剗亦慕寥廓三茅亦嘗仕竟與珪組薄

欲問包山神來賒少巖壑

又

陸龜蒙

曉帆逗碕岸高步入神景灑灑襟袖清如臨藥珠屏
雖然群動息此地常寂靜翠澗有寒鏘碧花無定影
憑軒羽人傲夾戶天獸猛稽首朝元君寒衣就虛省
研空雪牙利漱水石齒冷香母未垂嬰芝田不論頃
遙通河漢口近撫松檜頂飯薦七白蔬杯釀九光杏
人間附塵躅固陋真鉗頸肯信抃鰲傾猶疑夏蟲永
玄津蕩瓊壑紫汞啼金鼎盡出冰霜書期君一披省

又
暘谷西門瓊洞宮古苔斑駁檜蒙茸百廊三殿惟智
井萬壑千巖有瘦筇

三宿神景宮

皮日休

古觀岑且寂幽人情自怡一來包山下三宿湖之湄
况此深夏夕不逢清月姿玉泉浣衣浚金殿添香時
客省高且敞客牀蟠復竒石枕冷入腦筓席寒侵肌
氣清寐不着起坐臨堦墀松陰忽微照獨見螢火芝
素鶴警微露白蓮明暗池憲櫛帶乳蘚壁縫含雲鞋

聞磬走魍魎見燭奔羈雌沆瀣欲滴漉芭蕉未離披
五更山蟬響虻發如吹菴杉風忽然起飄破步虛詞
道客中異樣上清朝禮儀明敬作此事豈復甘趨馳

又

陸龜蒙

靈蹤未徧尋不覺谿色暝迴頭問棲所梢下杉蘿逕
巖居更幽絕澗戶相隱映過此即神宮虛堂愜雲性
四軒盡踈達一榻何清零髣髴聞玉笙敲鏗動涼磬
風凝古松粒露壓脩荷柄萬籟既無聲澄明但心聽
希微辨真語若授靈皇命尺宅按來平華池漱餘淨

頻窺宿羽麗三吸晨霞盛豈獨冷衣襟便堪遺造請
徒探物外趣未脫塵中病舉手謝靈峰徜徉事歸艇
右詩出本觀宋碑文碑云中書門下牒蘇州重修林
屋洞神景觀奉敕朕纂紹丕圖欽崇妙本茂闡無為
之化聿臻至靜之風乃眷蘇臺素稱劇郡有集靈之
恭館寔祈福之清場爰命增修用伸嚴奉紀其華榜
易以嘉名佇歛駕之格斯俾方來之仰止宜賜靈祐
觀為額仍令本州依敕文刻石牒至准敕故牒天禧
五年十月十六日牒

吏部侍郎參知政事王

工部尚書參知政事任

左僕射兼中書侍郎平章事

守司空兼門下侍郎平章事

中散大夫尚書度支郎中知軍州兼管內堤堰橋道
勸農事柱國賜紫金魚袋李適等奉敕刊石

聖姑廟

洛神有靈逸古廟臨空渚暴雨駭丹青荒蘿繞深松
野風旋芝蓋饑鳥啣椒糈寂寂落楓花時時聞鼯鼠

常云三五夕盡會妍神侶月下留紫姑霜中召青女
俄然響環佩倏爾鳴機杼幾至有聞時香來無定處
目瞪如有待魂斷空無語雲雨竟不生留情在何處

又

陸龜蒙

渺渺洞庭水盈盈芳嶼神因知古佳麗不獨湘夫人
流蘇蕩遙吹斜領生輕塵蜀綵駁霞碎吳綃盤露勻
可憐飛燕姿合是乘鸞賓坐想兩烟夕兼之花草春
空登油壁車窈窕誰相親好贈玉條脫堪携紫綸巾
殷勤撥香池重薦汀洲蘋明朝動蘭楫不翅星河津

又

韋應物

鼇頭之山直上洞庭連青天蒼蒼煙樹閉古廟中有
娥眉成水僊水府沉沉行路絕蛟龍出沒無時節魂
同魍魎潛太陰身與空山長不滅東晉永和今幾代
雲髮素顏猶矐矐陰沉靈氣靜凝美的磔龍綃雜瓊
珮山精水魅不敢親昏明響像如有人蕙蘭瓊茅積
煙露碧窓松月無冬春舟客經過莫椒醕巫女南音
歌焚語碧水冥冥空鳥飛長天何處雲隨雨紅渠綠
蘋芳意多玉靈蕩漾凌清波孤峰絕島儼相向鬼嘯

猿鳴垂女蘿皓雪瓊枝殊異色北方絕代徒傾國雲
沒煙消不可期明堂翡翠無人得精靈變態狀無方
游龍宛轉鷲鴻翔湘妃獨立九疑暮漢女菱歌春日
長始知僊事無不有可惜吳宮空白首

龜山神女廟

高啟

湖心涌出龜頭山白波翠島非人寰清虛宜作水僊
府鱗堂荷屋居其間淵都群靈孰為主烟鬢儵然一
神女柔姿誰敢狎相親笑叱鼉龍起雷雨玉骨蟬輕
蛻幾秋世緣已斷靜無愁采蘭每約湘濱會拾翠時

陪漢上游水禽翔鳴衛芝蓋長在蒼茫杳冥外鮫人
獻綃裁作衣螺女供珠綴為佩花落閒祠謝古春蕙
幃瑤席揜香塵空山夜夜星河遠芳渚年年蘅杜新
霞舒霞捲凝光彩笑語無聞復誰待冷風幾度引舟
迴宛似蓬萊隔烟海猿叫楓林魚躍波挂旗翻翠暮
寒多女巫佇望飛帚度獨奏笙簧引曼歌椒觴奠罷
沉玄壁鳥沒遠天湛空碧遺情不結楚臺雲世人何
處尋蹤跡

題白馬廟

吳鳴翰

淪謫清湘若憶歸傳聞千載竟多違銷沉金鈿人何
處荒盡梧桐迹已非山色尚疑鬟黛小廟花猶夢雨
香微僊卽為此增惆悵減却春風玉一圍

杜蘭香下嫁張碩

唐宋 邕

天上人間兩渺茫不知誰識杜蘭香來經玉樹三山
遠去隔銀河一水長怨入清塵愁錦瑟酒傾玄露醉
瑤觴遺情更說何珍重擘破雲鬟金鳳凰

張碩寄杜蘭香

前人

碧落香銷蘭露秋星河無夢夜悠悠靈妃不降三清

駕僊鶴空成萬古愁皓月隔花追嘆別飛煙籠樹省
淹留人間何事堪惆悵海色西風十二樓

右二詩元郝天挺註引墉城僊錄末又云杜蘭香
其後降洞庭包山張碩家碩修道者也授之以舉
形飛化之道久之碩亦僊去漁父以學道不食後
不知所終

雜詠

揀貢橘書情

白居易

洞庭貢橘揀宜精太守勤王請自行珠顆形容隨日

長瓊漿氣味得霜成
登山敢惜駕駘力
望闕難伸螻蟻情
踈賤無由親
跪獻願憑朱實表
丹誠

橘

宋梅摯

千頭霜熟摘來新
包貢虔脩望紫宸
他日功成許高
退社中還結素封人

橘

范成大

橘中有佳人
招客果下遊
胡牀到何許
坐我金碧洲
沉沉剪綵山
垂垂萬星毬
竒來日中麗
生香風外浮
折贈黃團雙
珍逾桃李投
拆開甘露囊
快吸冰泉甌

熱惱散五濁
豈止沉痾瘳
未知商山樂
能如洞庭不

又

國朝瞿佑

洞庭金柑三寸黃
笠澤銀魚一尺長
東南佳味人知
少玉食無緣薦尚方

聞陳天倪陳心遠
避兵洞庭山

謝應芳

松喬一別兩經年
問訊曾逢賣橘船
湖上白鷗堪結
社山中朱果不論錢
僊家犬吠雲連屋
澤國龍吟水接天
辟穀有方能寄否
老夫愁鬢雪紛然

贈洞庭山海上人

袁華

洞庭之山太湖陰上有紺宇何沉沉天香兩空丹桂
樹霜實照野黃柑林屋樓勢逼金銀氣鯨濤聲禱鐘
磬音更聞毛公遺跡在明發遲子同幽尋

寄贈洞庭葉隱君

釋來復

一舸南歸鬢欲華買山湖上卧煙霞尊如北海應多
酒園儼東陵亦種瓜丹壑泉春雲碓藥橘林風掃石
牀花傳家自與隣翁異見說藏書有五車

寓包山精舍

俞貞木

精舍包山側緣厓曲路微到池雲弄影入戶月流輝

煙靄青蘿屋山園白板扉松杉寒愈秀猿鳥靜相依
境勝忻神適情忘與世違莫為簪紱累期與爾同歸

自京還家二首

葉顥

馳傳遙瞻紫闕來金陵王氣日昭回僊香密繞瓊林
樹湛露旁滋綺陌苔墜翼天門良有夢亡羊岐路詎
無哀生還故里承家慶壞圃荒疇得重開

薰葭涼雨鴈賓來鼓枻遙從闕下回殘木翠竦存隙
地曲池泉涸露荒苔蹒跚自笑平生步顚顛深貽此
日衰幸有親朋相軫慰翠簾銀燭夜樽開

召至京獻詩

許曄

布衣蒙召入京師
足躡春風步玉墀
父老喜除秦法

令儒生重見漢威儀
九重鸞鳳翱翔日
四海魚龍變化時
自古金陵多王氣

聖君應建萬年基

震澤編卷第七

